



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА'

# Мэбета вадава" ила' панан' етри' мэква"!

# НЯРЪЯНА

# НЭРМ



№ 20 (5294)  
2026 по'  
май иры'  
16  
СУББОТА

Российская Федерация Ямало-Ненецкий автономный округ



Сидяңг: Марина Ярой' тагтавы

Тодо"  
ТЭНЗ МЭТАҢЭ  
НЫХЫ"ҢАВА"

2

## Таңы" мэлвахато' пядо'

Ты" ниць ирыва" ерканда тэвы". Яханана" нумда саць җарковна ибе"мада яңгу. Пыв мерця яля' сятора, сада пи' ханьхана нянзико салаба тондабида. Холкаван' харва-вы сыра пи' тяха' мэё парандэйңэ хан"җа". Я' хоба ёльце падвэңэ хая. Варё" җокворҗа". Салабам' наволпада мер-ця минда сахарор"җа. Тарця" помна сэр" сыра' нимня нянзико" тобато' ниня паридена" су"ляко" нявотарць варемдо' мэ"җа".



Сидяңг: Марина Ярой' тагтавы

Тюку нини" җыхы похона торомдэйнась. Ньюна", нюна" нюсавэй" теневына". Сава юрёни". Сава ня җэхэваб", нина" теневабцова" ненэця' вадырҗэ хая. Мякандо' по' сидя вэчна сохо таянб", тэворцетым'. Помнана" ваде"мандава" җока җэсеты. Теда' җод" таславы яля-хана мято' няю' нэкал"җаваць. Салаяңгардахад Салая явм' тяха' няю' мада"махадана" мале пон' җэдалываць. Машина тасла-вы ян' сидна" тэврась. Таянд сидна" хосаяванда нява" сена-сяда нумгана сеҳэры' ядхана җатеваць. Пон' ниваць ядэр", җамгэ' пиркана еся хан' хырнам' намдаваць. Малкось' вэнекомда пэмба нява" тикавна писяңзь җадимьясь. Таянд Лаптандер"

мяд' няю' нэкал"җаваць. Җамгэ' пират җэдалё"махадана" җоб" җарка мяд нерна" няд җади-мясь.

Николай Егорович Лап-тандер мята ядхана сидна" ядабтась. Пыда җыхы сэвта сыла"махад җавкыда ма-ние. Теда' «Салехарда-гро» предприягыйхана мале сян по' ямбан" ты пэртяңэ тара. Хабте",



таркосавэй" ня мякнандо' ван-выць. Җавор"мана" сер' маня" помнана" иландо', тыто' нямна лаханакурҗаваць.

Тована" мальҗгана ты" ниць иры' хасаваюдимдей ялясь. Нердена" вадина" саю мар-давы" иринана", нисянана" нямна хаяць. Мани' Николай Егорович' ня' нисянани' хэбидя" похо"на манзараҗаханзь. Ха-лям' пэрҗаханзь. Хусувэди' харта яхананда җарка таром' ха"аврамбись. Тамальҗгы" манзара"ма" подо' җобкана тензетейнаць. Маня" ненэй ненэцяңэ җани' җарка хэбидя таром'

ха"авраваць. Мале сенз похо-на нисяда, Егор Тимофеевич, хасава нюмда ты" илам' мэне табедамбавэдаць. Тикы ватом', нисянда табеко тамна нёдэйда.

Харта җод" Николай Егорович вы' илам' техэ паңҗаханда тене-вавэда. Лахарёва" тарцясь:

–Тюку предприягыйхана җо-ка соходо' җысма" манзара". Ненэй ненэцяңэ маньрина". Нянаана" харе" мяна" терри" мэ". Җэсыхынаана" сидя ёнар" тэва". Тюкона хабтона" ва"ны". Җысма" я' җэхэртабта недармидо' нюр-тей тована" мальҗгэхэд нина" нюракус". Җабцата нива". Хар-на" недармина" таминна" пя-ваць. Җысма' җэдалёва' мюмня ненэй ненэць' хэсь я"маңгуда. Пыдо' җопой яривна җэдалы", сеҳэрада җамгэри пензя' ваңҗэ хэя, сяхаңгарт' хэвнямна ни" җэдалёд". Тикаримдо' нёдаңгу".

(Пелямда 8 стр. толара")

Марина Ярой' падвы

### Сэр" явэхэт лэтры"

Сэр" варк" илесь' ёдо' Итя җабтены' няна җа. Ха-няңы" Я' мал' тер" җахат таямна мюсерҗа". Тикы я' сармик закон' вато' сер' лэ-трамбада. Не-надо «Крас-ная книга» нубета падар-кана пады.



Сидяңг: vk.com/assoc.yamal\_potomkam\_нд ханавы"

2 стр. җа

### Мякато' җэдарэйдо'

Тюку иры' ёльцяңгана хой' тер" җацекеы" мале мякато' хэсеты". Иде" хэва' нерцо" сиддо' небянадо', нисянадо' хо-саясеты". Ты" ниць ирыхына яна" тиңгывна җэда" интер-нат" мюй" тер-сялворҗа".



Сидяңг: Анна Ялгтик' тагы

3 стр. җа

### Пимшата ни" хомана мянадыш"

Шатуҗа", вивҗуту-җа", пимши". Шатута" ни" поңкнатуҗ мя-надыш". Җэдм' чел" ниҗашки" мянадыш мэты «Шатута ни» нимита конкурс' Тац-кахана мэ"җаш".



Тагтама: Андрей Пяк тагтамы

6 стр. җа



Сидяңг: vk.com/assoc.yamal\_potomkam  
няд ханава

Сидяңг: Марина Яройт тадтавы

Я’ мал’ вымна мюсерта” ненэця” муңгсяда”  
мирв мэць тохолкурҕа”.

## Сэр” явэхэт лэтры”

Сэр” варк” илесь’ ёдо’ Итя  
ҕабтены’ няна ҕа. Ханяңы”  
Я’ мал’ тер” ҕахат таямна  
мюсерҕа”. Невхы” похо”на  
сэр” явым’ ханедаңэ мэ”мэдо’.  
Тарем’ яңга явэнзэ ядэрмы”.  
Едэй илаңгана тарця ни ҕа”.  
Тикы я’ сармик закон’ вато’ сер’  
лэтрамбада. Ненадо «Красная  
книга» нубета падаркана пады.  
Ңадьбятта ханедаңэ ни толю”.

Варкм’ тунихина ядаб”, хадаб”,  
ненэць’ серт’ еремда. «Ңэсы’ хэв-  
хана җадимбата, ненэцяңг” хавы-  
дабта, тэри пиде тара. Сармикм’  
хареба нядна” ня”амвы” мирв  
мэ”җада”. Тикы’ пуд ненохо-  
вавна хардан’ палытанаха”  
юнм’ җедабтаида»», – тарця” та-  
бекодамдо’ вы’ тер” «Медвежий  
патруль» тохолковам’ минрена-  
хат намдавы”.

Ямальской районхана мат”  
ю” пир” мюсерта ненэця” то-  
холкурмы”. Теневабцудо’ тад  
нерня’ няд”маңэ мэтыдо’, мято’  
тер, тыдо’ пинкабтада сарми-  
кахад лэтра пиртыдо’. Сиддо’  
тохоламбадидо’ няць хусувэй  
җамгэм’ харакута сер’ таславы”:  
мят’ товы сармикм’ ханзер”  
вэнолтамбаңгудо’, тэхэто’ тэв-  
вы” җэбта, җани’ ханзер” пи-  
дебаңгудо’.

Палытанахат мирвдандо’  
җока җамгэм’ ня”амвы”:

бада” серакабт”), җарка фонарь”.  
Тикыдо’ мяк” товы явым’ пидеба  
мэтыдо’. Тэри җапрамба хубта ян’  
танаңгудо’.

Хасава” хавна не” җобтики  
таняна мэвы”. Пыдо’ яв’ варк  
хареба мэта мирв мэць җани’  
теневаңгу”. Выңгана хасевто’  
тэхэ”на мэб”, җани серото’ нямна  
җедалёрпато’, не” харто’ хаюрць  
ереберцеты”. Ңадьбятто’ сармика-  
хат җацекеыдо’, мядодо’ лэтрамба  
җани’ тохолкурмы”. Сяхари’ мая’  
хадкэб”, ракетам’ мэць, серакабт  
табцамба харто’ пиртадо’.

Яңга ненэцяңг” ваде”мэдо’:  
ханзер” палытанаха” юнм’

җедарамбаңгу”. Хадёлевы  
таняб”, лекар” това’ нерцюна  
лекарабтаңго тохолкурмы”. Ти-  
кы’ е”эмня таславы терсавэй  
пардонто’ җэсы’ таняңгу”.

Пудана по” сэр” явэ” ням-  
на вэва юн” етри’ танясеты”.  
Тунисяда” ненэцяңга”на ёльце  
тосакабты”. Ңадьбятта теда’ җэвы  
тохолкова җули” җарка таром’  
минре. Тарем’ Ямалханана”  
«Медвежий патруль» проектм’  
няд”мяць мюсерта” ненэцие  
нядаби”. Тикы’ хавна сянда  
сармикм’ лэтрамби”.

## Тодо” тэнз мэтаңэ ныхы”җава”

Яна” җардавна җоб” няю’  
нятва’ пом’ мэ”җава”. Тикы’  
ед’ җэвахы нембэртява” яля’  
падаркана яңга ненадо ялям’  
җадимдесэ. Толырто’ тянэ  
тэнз” ненэцие” е”эмня тасла-  
вы. Сие ниць ирыхына нюр-  
тейвана ядабтамбиваць. Тодо”  
ё” тер” нермбэртява” няць  
лаханакурҕаць.

Тандая’ тюку ирыхына тар-  
ця хэбидя ялям’ мэ”манзэ  
Ңэрм’ тер” Москва март’  
җани’ җедалёрҕаць. Ңани ё”  
тер’ ня’ тасламбада серо” мин  
тидхалембада министерство  
сиддо’ җобт’ ма”ласэ. Ямалхад  
сёётэй”, мел’ ненэця” илна”  
саирм’ җадимдембиць. Ервхат  
«Ямал-ню”на я!» Ассоциация’  
җудондана Эдуард Яунгад тая-  
на мэвысь.

Нерде’ ФАДН’ җэвахана мэна  
Игорь Баринов вадамда мэ”-  
ҕасэ: «Ңэрм’ тер” я’ мидыхыд  
теневана” манзаидо’ иландо’  
паңгүэ тара”. Илесь’ ёто’ җэвахы”  
ерв” ненэцие” сенз җэвам’, я’

сяр’ нийм’ лэтрамбавам’ сававна  
маниедо’. Иландо’ тид” ми”ма’  
е”эмня няд”ми җадимдемби”.  
Тикыдо’ ты пэрма’, халям’ ха-  
дабава’, ям’ тару”ма’ няю’ тас-  
лавы”».



Сидяңг: Марина Яройт тадтавы

Александр Новьюхов, Ңэрм’  
тер” серо ня”амбада Ассоциация’  
җудондана җани’ лаханасэ. Не-  
ноховавна едэй хэбидя ялям’  
саву”ҕасэ. МИД’ нермбэртя’  
марцьхы Александр Груш-

ко тарем’ ибедорҕасэ: «Рос-  
сия – невхы” похот тодо” тэнз”  
ненэцие” иле я. Ңока по” ямбан’  
җоб” хэвхана иламдо’ нерняри’  
минредо’. Таңга, җамгэхэртад  
нисэ тоса харто’ иландо’ саирм’  
не”да”, харе” вадидо’ мэ”ҕа”.  
Хибяхарт җани’ нямда тэн-  
занда, мэта ваданда, тарэн-  
занда яңгава’ е”эмня, яңгана  
хэхэн’ туё”манда е”эмня нида  
таңыламдамбю”». Тикы’ хавна  
Арктической совет’ манзаям’  
ваде”ҕасэ. Ма”нисяв: «Теда’  
җани’ пареҗода” я’ тер” җоб” сер’  
минреванзэ таславы” серона”  
нерня’ нидо’ тидхалембю”.  
Яна” тер’ тасалковаханато’ ни-  
до’ хонрамбю”. Тарем’ җод”  
маня” сава иңут’ ха”амвахандо’  
енава”».

Ма”лёвы” ненэця” Якутия’,  
Алтай’, Ямал’, Ңарка я’ няд товы”  
нито’ сё намдаць, җэрм’ яна”  
тарабцо манэ”ҕаць, җавыдота”  
җаврадо’ җаворҕаць. Мядондидо’  
җопой мяд’ тердарев’ иламдо’  
җадимдембиць, җоб” няю’ нят-  
вамдо’ саву”ҕаць.

# Мякато' нэдарэйдо'

Тюку иры' ёльцягана хой' тер" нэцеки" мале мякато' хэсеты". Иде" хэва' нерцю" сиддо' небянадо', нисянадо' хосаясеты". Ты" ниць ирыхына яна" тигывна нэда" интернат" мюй" терсялворна". Вынд' хэвандо' нид хардахана ненэця" тянэворна".

Ханяңы" ты пэрта" нюдо' мер' хосаясетыдо'. Яр-Саля', Панаевск' вымна мюсерта" явм' мадавандо' пуд тохолкодидо' таминда ханаба пясетыдо'. Ѓаварандвахандо' нэцеки" нямгэридо' ма"лаңгу", толаңгобцьдо' мита", сиддо' тохоламбдахатато' та' ямбан' пэрманда манзаядамдо' ханаңгу". Ты" мят' серодо' мэ"марихидандо' нэдаласетыд".

Ѓацекехэ"на манзарана ненэцие хонрамбидамзь, пудана" юнедо' ваде"наць. Сёяха' няна интернатхана иленаха"на манзарана Салиндер Клавдия тарця вадам' мэ"нась:

– Тамбей' няд нэдари" хаиць. Няхар" юд' мяндо' нэңгу. Сиддо'

Ханяңы" тиртя нанохона хан"ман ни" харва". Ѓопой не нюда хосаяванзь тось. Нянда ма"нидам": «Мята" нена" нэха"на нэню»». Пыда тарем' лаханась: «Небо' нюху"ни ваторадамзь. Мякандо' сыра' нимня мэта мерета ханхана тэвраванзь пэрьянась. Пон' нэпой яхана мэ"махадандо' нэцеки" нэдалёрман', ненэцие манэ"ман харва"».

нэбт' мэсь таславаць. Ѓанихив" мал' хой' ня' хаяць. Ѓули" пуда' хаёвыдо' ты" ниць иры' сиднде-тимдей яля' пиркана, хэбидя яля' нерцю" ханэйдонзь. Тамбей' вы' няд нэдина" ты" ниць иры' 15 яляхана ханда". Нидо' ёльце



Сидяңу": Анна Яптик' талтавы"

Ты" ниць иры' нюртей" яляха"на ненэця" нэпаць: лакри' сырада холкась, нэяңэ хаясь, ид" хэва' няю' хамэ-дана то"олхыць. Ѓадьбята паромбари' нэцекина" мякато' нэдарамба пэянаць. Теда' нэни' тецьхамя, сырада ха"мы".

паныта ни"им ядэрт". Ѓавна тикаханда нэдарамба сетына". Теда' небянадо', нисянадо' ня' нэбкана ядэрна". Пидте"мидо' мал' ма-ла"махадандо' нэдарамбаина".

Таддикахад хонаркудамзь, нэцеки" хэ"мяхад нэули" нэнякы" тябихут"? Клавдия Юрьевна ма"нисяв:

– Интернат" мюй' терсял"махад маня" тэри нива" мы". Интернатна" мюйм' халтамбива". Ва"авна", нямгэри" нэси" мюй, латна", сидерана" си' тал"ми халтамбива". Ѓахакуд хамэдэб"на" нэни похона хабто интернат" мю' тэңгу"нивам". Сельбя' няна нямгэриридана" ня"маңгува". Хасаваюдимдей няби юкад вата нюртей классахана мэна" тедари' тэкохона мэ". Пыдо' экзамендо' мипаңгу", ялэхэ" хамеку". Ѓани яляхана маңгы" ирыхына ханда", харто' етя тиртя нэнодо' тэнясеты. Хибяхавадо' экзаменда вэнзер" мипата – таминдо' ни" ханд", хэсь ялядо' нензахалты". Си"ив яля' пирт', тамна понарка нэбта нэд", хардахана мэңгу".

Я' мал', Пэ" хою", Тасу' я' няна илена нэцеки" тиртя нэнохо"на вынд' хан"ласетыдо'. Ѓокаюм' пеляхавадо' харто' мякато' тэворцеты".



нэха"на иле", мядодо' 300-400 километр' пиркана нэ". Сыра' нимня мерета ханхана мима нянандо' саць тоена. Тиртя нэнохона няхар" ян' тэвраңгудо':

Тамбеян', Яхады-Яхан', Сэр" нэон. Сэр" нэо' няна ненэй ненэця" тэня". Ѓацеки" ханабавандо' сер' таминда метеостанцияхана манзарани" нэврад ханаңгу". Тэняхавад мале сиддо' нэте"ним". Яв' хэвхана илена" ненэцие" нэю Яхады-Яха факториян' хаебасетыдо'.

Тохолкода" хэвандо' нерцю" «обходной лист» пэрецеты". Пидте"мямда хусувэй нэцеки" тохоламбада, толаңгулава' хардахана манзарана, нямгэри мипада нэбтабта тэра. Ѓули" пуда падрокмда воспитателян' митада. Тикидо' минарць школа' няна хэсеты", луце" нидо' пурта"ма, нэбью' нэховы" нэңгу"ма, мальцята,

## Сянмбойм' тэраңгу"

Хусувэй по' илебей ненэцие" е"эмня «Российский Север» нэбета форумам' Ямалхана минресеты". Тюку по' нэни' тарцял' нэдимдеңгу". Сэляңгардахана носиндалава' ирыхына нэбт' ма"лэда".

Теда' мале 14-35 похо"на мэна" падродо' нэахакуд ма"ламба пир"на". Нянандо' вэба' иры' 17 яля' нэсонд' хамеко, «Молодэжь России» сайтан' тэңга серота. Ма"ним", заявкам' нэдарамбава' маљыгана хэре" пыхыд нэмна падна тэраңгу. Ѓэдаравы" падрода" серо тэневана" харто' манэсаргыдо'. Нэновна саць са-

вавна пыхыдато' нэмна лахана-вы ханабаңгу". Тикахад яндо' ед' нэрка таром' минрени, ненэцие нэдабади, харто' яндо' тер нерня' пэрти, вэидо' тохоламбади, нэрм' тер" ила' нэмна интернет' мутравна вадети нэбтики ханзь пиртыдо'.

Ѓэрм' тер" серо тидхалембада департамент' нэвахана мэна ерв Уљяна Каленюк лаханась:

«Российский Север» форум нянана" ёльце нэнадо сер", нэни' ханяхартана тарця яңгу. Тюкон' турта" илебей" ненэця" мал' нерня' нэда" ненэця" нэсеты". Пыдо' ихинандо' хуркари яля' ня' нэда

серо ня"амбаван' харвабцодо' тэня. Тарем' ма"лурмандо' сер' тэневабцоридо' нэхато' вуни" вадес", пыдо' сава нэдамдо' хомби". Тенкана нямгэри серм' ялнэ минрева' ханзода яңгу, хэвхананд етри' сит нэдабада" нид тэняб"нандо' тэра". Тикахана едэй проектм' пэва хэця нензел"раха нэңгу. Маня" ихинана" тарем' харвава", нэрм' яхана илена" илебей" ненэциена" нерняку' нэңгу"ним", ёто' ед' варемдо' мэт"ним", илма" савумдамбаңгу"ним". Таддикахад тэуна мэна" ерв" вадетидо' намдорпато' сава нив нэ".

Тюку по' ма"лурмадо' тодо' тэңз" ненэцие" нэбт' нэтва по' няю' тидхалэда. Ѓобнзер' тасалковам' мэта". Тад нерня' тодо' тэңз" ненэця" ханзер" нэб" хэвхана нидо' нэдаба илеңгу", илебей ненэцие" серо тамна' тэха' ханзер" минревандыдо', таддикахад вадам' няби ила' саирм' ханзер" лэтрамбувандына". Тики' хавна толырто' тэне тодо' тэңз" ненэцие" е"эмня нэдиберта вато тасламбаңгу". Ѓани" пото' тотрев' ерво лаханако нэта". Ѓокханда юр" пэдавэрим' тэраванзь мэ", нэдьбята тэня' еремя' е"эмня паромбарка тэра.

# «Няръяна Ѓэрм», недарма

1931 NARJANA ĆERM

1949 НЯРЪЯНА НГЭРМ  
КРАСНЫЙ СЕВЕР

1972 НЯРЪЯНА  
НГЭРМ

1987 НЯРЪЯНА  
ЃЭРМ

1991 НЯРЪЯНА  
ЃЭРМ

1997 НЯРЪЯНА  
ЃЭРМ


2012 НЯРЪЯНА  
ЃЭРМ

2020 НЯРЪЯНА  
ЃЭРМ



**Мюсьлава' я**

Приуральской район' няна сята'. Ханяңы мюсеняхан- до хард' тер' маниесетыдо'. «Байдарацкой» совхоз' ня- до хард' тер' маниесетыдо'. бимдей ты' ңысыхана Тай- Ѓани' мядо' ты' хад' хард' бери П. Т. манзара. Нямы- вар' хэвнякуд пересеты'. Ха- хы Ярудей няна ңэвы, вым- не ханта' ты' маниесетыдо'. гана иленя ненэцие' ед' сер- Тев' пиркана ңысы' Саля' тавы совещанийхана. пыда- явм' няби няю' мадаба ва- ңод' ңоб'тарем' мэсь. Теда' ремдо' мэ'ңа'. Яв' ихалта ңадимя. Тад нерия' сала- тикы тасламбавыдо' няхата банда хэбярیدا хаи. Теда' ңадьбяндо' тарем' паромба- ваде'яда. сеты'. Горно-Князевск' ңы- ламна явм' няби ня' мада- Нерденя, И. Сычѳв' тад- бидо'. Таңы мэлва яханандо' тавы сидяңгахана Тайбери тикандо' таңга тыдо' хад' П. Т.' ти маниенара'. Мю- ламбаңгу'. Тыдо' таңга ни- сярма серм' серокута сер- та'. Мары' помма хараси' иланда ямбан' теневала- вуни' мюсеңгу', суюдо' ңод' Сыра' тад хэпто' ңарка Лар- вуни' ңоковна' хаңгу'. яха' малха' тэворцеты'. Сы- Н. Оленев' пады.



**Ямб нара**

Июнь иры, нердена яляха- на' тамна тецьда ңэрм' хад' ладыбидо'. Ңопой пихня янда ний сыраңэ малдасеты'. Нув' сармикэця' ханьтаван- до' нид иба' няку' хая. Тикы' хавна маңгалмандо' эльцяңэ хаява. Сыра' нихав' сарь'нюдо' вунидо' мантэда- ңгу'. Ямб нарахов хыбярихана, ханярина взва. Таславы, пэр- манда манзаи пухня' ха'аврам- би. Икня мэна, яхна—мерцяда мерцява. Несэйвана иленена яхна, ңумгана' ңамдэ' кана ңани' та' ед' вуни ңа'. Н. ВЭНГО' пады.

**Саць манзара'**

Новой Порт харад, ңылы Са- ля' яв' ваңгахана халедана не- нэця' тюку яляхана' саць ман- зара'. Хабэй и' халэ яв' варан' тыяромдамбида Май иры' нерня ненэцие' хадабададо' тя нэсь. Теда' понго саңгово- лыд'. Яв' няд писавэй яля' трак- торь', ңани' халэ тэвабада ма- шин' ядэңа'. Я' мякна сортато' сер халэ пэртидо' ңоб'тарем таңгм ни' хомбю'. Тиканда Но- вопортовской халя' завод тер- тюку пона' нарахана саць ман- зара'. Х. КАРСКИЙ

**Ңоб тру хэрна**

**Яв' хэван' паромби'**

Я'мал' няна иси' мюхандо' ха'амваридо' хаи. Пудана мерця' хад' нувода хэвась пэр'ңга'. Сыранда ний сэвха- на' тэри есабарна. Пуй яляхана', иди' ңадимзь маренуй' ябто' яхандо' тута'. Ты пэрта' ненэця' ңод' ңани' тарця'. Та' илесь мэта яхандо' паромба пэрија'. Ңопой яхана ни мальѳрт'. «Ярсалинской» совхоз' ңысы' тер' миндо' нара' Хара- савэй' ед' ңэсеты'. Та' ямбан. Харасавэй' яха', Итя ңабте- ня яв' хэвхана тыдо' хадоламбасетыдо'. Хансо яхана ти- канда пилюда, неняңгада сабе яңгосеты'. И. Сычѳв' тадтавы сидяңгахана маниенида' Яр'Саля' ты пэрти' сидяңг'. Тю'уй сидяңгахана Худи Ңольбим' ма- ниета'. Пыда самблянзимдей ңысыхана пастукіјэ тара. Ңыльняна маниенида, сатаняд маханы' хана: Худи Ва- силий Едэйвич, Яптик Олег Лемакович. Худи Ңэвасэр'. Тикы ненэця' мал' харбѳ'. М. ТУСИДА' пады.

Ямальской районхы «Ямаль- ской» совхоз' ңоб ңысымда мале ңока по' ямбаха' Алек- сандр Париденявич Вануйто ня'амбида. Тюку нарахана ма- нзаядо' саць саңговоңа'. Сую' ңадивомахад, тыдо' етре ера- мба пэрьядо'. Нохо тарси тал-



си. Ңодь суюм манэпято' та- минандо' нянда лабцеңгуд. Вануйто ңэсы' тер' хусувэй яля' ямбан нидо' тадаба тэхэ- то' ханңа. Тарем' тид' манза- рамадо' ңэрѳ' няна пуномда- Ф. Сэрьяламдик пады.

1992 похона пады

# Халядавам' ваде"ңаць

Үодь" салабанда хэ"мяхад ненэця" поңгадо', җанудо' нэ-калта". Нердена" халэдо' пыри", нёя" ңэңгу". Теда' тарця" серо тасламбада" ерв" хэвы си"ив яляхана җобт' ма"люрҗаць. Танияна учёной", җэрм' тер" илам' тидхалембада", ёртя" община" тер" мэць.

Вадидо' халям' лэтрава' нямна җаць. Небо' ервона" халядани" таҗоця"мана җэдалёрҗаць. Танияд намдавы" вадидо' няд"маҗэ тамна' тяха' тидхалейдонзъ. Теда' сяха', ханяна, җамгэ' то"олха мирвм' мэ"мам' җани' тасламбаңгудо'. Җарка вададо' сяҗок халям' җани похона ватава' нямна җасъ.

Тадри' ненэцие" есяха"на нядабаңгудо'. Ты" ниць иры' юкад вата нябимдей яляхад няд"ма" есян' харвана" предприятий" падродо' мале җэдарамбабато' серо"җа. Җоб" тонна таросяда халям' (пыри", нёя", лысу") ватава' няю' 136 есям' җоб" кила' е"эмня салдаңгу". Җахат тикадо' яланда юр" сидяю" есясь. Ерводо' предприятийха" нато' недбидо' харто' недво"мы" есяхатато' салдамбаңгудо'. Няд"ма" есяҗэ тур-



Сидяңг: Марина Ярой' галтавы

тахат халядани", җытна", тамна җани икня нядаңгоди" недбям' җокамдамбаңгу".

Тикы' хавна «Меркурий» мутрам' мэ"ма" нямна лаханаць. Тикар халя' тэнзм', ханяна ватавы җэвамда таминда тасламбида. Едэй мутрадо' интернетсипой" җани манзара пир"җада. Тикыдо' тюку та' мэлаңгудо'. Теда' җа-

хакуд сававна пыхыдадо' тохолаңгудо'.

Ти, тарця юне халядана" ненэцие" нямна намдаваць. Тедари' салабанда хэварим' җатеңгува". Лаңг' ниня җамдэ Саля яв' няю' сыртава".

Марина Ярой'  
падвы



## Хари" тэнзна" ил' мэсы"

Тёняцы нина" ил' ↩

Несъхана си"ив яля' ямбан' илма" тохоламбадаха' манзараҗаханзъ. Округна" музейхад сидя няхаюна" Лариса Латышева няби Галина Конькова Канин' я' невхы җэсын' тэворҗаханзъ. Танияна илена" хибяри лаханако ня"җаханзъ. Канин' я' тер" мел"мана сэдорана" не" сертавы манэ"сарҗаханзъ.

Тюку мэвахана җарка серм' тидхаленҗаханзъ. Округна" илна" нямна җэда музейна" паңгм' нермбэртя Лариса Латышева тарця" вади хэтасъ:

– Җэсыхына илена" – харе" тэнзато' илам' минрена". Җока хибям' торомданинзъ. Пыдо' Канин' яхана соявы", вадёвы". Җока по" ямбан' хойхана мюсермы". Тев' ёльцянд' хойхана мэ"мы" ембдяродо', тэхэ"на тарана" җавэдо' сомбоковна лэтамбидо'. Мани' җавна мэ"мы" паныдо' сяхари' музейн' тэвраванда" ненэцие хонинзъ.

Җэсы' тер" товы няхаюди' няць теневабцудо' тасламбиць. Ольга Артемьевна Латышева мэта" җаворида манэ"лабтасъ. Тикы' хавна Канин' не" паныто', мальцито', пибито' сэдыр" яңгавам' җадимдесъ. Ваде"мэда җока. Ханяд сэдорава' ёльцяңгана тарана нойдамдо' тэмдабавы", хобадамдо' хомбавы". Хусувэй

сэдыандо' харта ёльцянда тания нив".

Тамна мэкад сер", ненэй ненэця" поңгана тохоцяхад паңгалмы" ни", те"эм" тания". Ханяд җадимы"? Тарем' җэвы, сыв' мюсерць хой' тер" ненэця" пэдара' җэсонд' тэвормы". Мюсевандо' сер' сехэры' поңгана җэсы" хаюрцеты", танияна иленаха" тэворцеты". Лабкахана җаврадамдо' тэмдаңгу", ненэць ватанда танияб" мирдатада. Нидо' торомдамба, нядаба җобизер' няхато' тэвормы". Хойхана мюсерта" не" хардахана илена" луци" нехэ" тохосхад ни, те"эм сярась табедамбасеты". Луци" не" е"эмня хой' не" пенахад, хобахад таранадамда сэдаңгу.

Валентина Ардеева – хойхана мюсермы не, ты пэрма' илаңгана юнета җэвысь. Анна Егоровнам' няць невхы танё, саби" падта"ми, тюттана' савам' манэ"лабтаҗаханзъ. Тарця савам' мэта Надежда Ардеева' сидяңг' музейна" архивхана тания. Ям' тохоламбадахаюна" җока мэкад җамгэм' Павел Чупровхад, ты пэртяхад намдҗаханзъ: «Сяха' палаткам', ханм', тюрм' мива' е"эмня тарана пям' тэврамбава' ёльць', пиндолавито' җэсь' я" ханяна җэвам». Павел Егорович хойхана мэта палатка ханзер" сертабавам' хэтасъ, пухуцяда, Наталья' Егоровна, падта"мам'

манэ"лабтасъ. Александра Баракулева не нюнда, Ольга Михайловна' ня, Канин' няна мэта сывы" не" ембдяро – паным', няндуй савам', невхы сярвы ним' манэ"лабтаҗаханзъ. Александра Фёдоровна җока хобцоко тенева. Музейхана манзарана няхаюна" падарт' падвыдинзъ.

Нина Конькова невхы мята тер" сидяңг манэ"лабтасъ. Ханяд паңгдо' мимам' сававна теневада, соё"мита паңгм' җобт' падыби. Нина Семёновна музейн' мякнандо' җока по" ямбан' невхы мэ"мы" пяхад мивы хидя" – пу тасъти, паской няльку ми"җасъ.

– Несъхана харто' ямдо' мэ-нена", мел", хари" паңгдо' тенева", невхы ханото' тер' лэтамбада" иле". Хусувэй мяд' тер" пэдава". Сидни' ёльце сававна нядабиць. Ханярина маймба ядабтабиць, сыйлабтамбиць, невхы паныдо' манэ"лабтамбиць, теневаидо' ваде"җаць. Җэсында' терха" ихид' минда" вадини' мэ"җани', ненэйвана Таисья Ванютан' җэдарабини"! – тарця" вади Лариса Прокопьевна хэтасъ.

Тарем' музейхана манзарана" нина" җули" тарана" серо минре".

Юлия Талеева' падвы

### ОБЪЯВЛЕНИЕ

СВОИХ НЕ БРОСАЕМ  
ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА  
6 700 000 руб.  
ЕДИНОВРЕМЕННАЯ ВЫПЛАТА ЗА ЯМЛЕ  
4 000 000 руб.

ПОЛНАЯ ИНФОРМАЦИЯ ПО ТЕЛЕФОНУ  
8(902)816-11-90  
8(34922)3-98-08  
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ  
РОССИЙСКОЙ ФЕДЕРАЦИИ  
contract89.ru

Ямалхана СВО' няна сайнорта" ненэцие", мято' тер" е"эмня җадимдевы" няд"ма"



# Тэмстун чадю" нешай" дяля



Таттама: Лариса Айваседо таттамы

Ѓалка Россия' дяхана-на дюдкат ва'та кашемдюл чет' тэмс неша" диле". Тотун кальтун дидивсотун, вататун. Шаңкмян тэмс неша" цокна, хома шоньшахана нетун няш дидиматун тада. Валның дилиң путана дяляхана цалка дяна тамна тэмстун чадю" нешай" дет тондюта дялям мэ'ңаш".

Чики деты хома дяля тэмстун чадю" неша" нидинатун катанатун шиниңкуй миндемы" дилм дюлмаң тайхана цалка падыңотана шедтамы. Тат недьняң чики празниким' пу" тахана мэштонцатун.

Маня" Пюл дяханана мат дёналкат ва'та Ѓэлм чел" неша" диле", шича дёналкат ва'та

хампляңкдюл хампляңк дю" шитчеттоң выңкна, петалахана мюшалта" неша". Шиниңкуй нидинатун катанатун мэмы дилм миндеңа", кальтун ватамтун мэңа". Талкахана нешай" дялям мэмантун мэт «Прибрежный» паркан цомаш". Шанат тэмс неша" хома шоньшахана цокна ныптакуш". Талкаң чел" камна наңича кадтыхит мэна" тадымэңаш".

Чики дяляхана культура-хана мансланна" кудкади" шедтаңаш". Культураң дет таслётта учреждения" цупей' нятакуш". Нешади" хынилмаң, дюньшидемаң мэты" хома концерт' шедтаңаш". Кынута" кудкади" кынсу" мэ'ңаш". ЦНКхана мансланна" цэпт

де'эмня цайта вильта поста-новкам цычимчеңаш". Чикиң камна кальтун цутаханантун шедтамайтуң цамыкутуң цычимчепюта", мичилпёта" тадымэңаш". Цашки" шана'комаң мэт дета цайта площадкам «Торова» шедтаңаш".

Кудкади" шана'кохона" цашки'уде" шана'куш". Ненэй мякна цашки" мячиндаптапиш", выңкна дилина" нешади" дилым

вачаңаш". Нешай" паныдю", манслаш мэта цамыку" цычимчимпиш". Тэмстун чадю" нешаңкна талдыша дяля тада. Цопт цомшту", нетун манэшту", кальтун ватаманантун поңкнатуң мунушту". Цамыдихина талдыша, кудкади" тэмс неша" кальтун культурамтун, ватамтун цокна лётлампютаңатун, чикехана цалтана" цашки" шиниңкуй дилм нитун дюдан.

## Пимшата ни" хомана мянадыш"

Шатуца", вивнутуца", пимши". Шатуца" ни" поңкнатуң мянадыш". Ѓэлм' чел" ницашки" мяналмаң мэты «Шатуца ни» нимита конкурс' Талкахана мэ'ңаш". Таньше мяналмам маньде няхамты ты мэмаң шедтаматун. Шанат тэмс нешади" культураң дет цайта центрхана мансланна" талдыша мяналмам цыдихина няматалакулма дяляхана мэштутун, чуки похона чешта-ханта нитоньш мэс.

Тадям четаң, тэмстун чадю нешай дяляхана мэ'цатоньш. Нешаң дидивсохона ни мят нямпёта, тум чудипёта. Пимшата неңи кудкади мансям шедташ пидца. Чуки по-хона хампляңк нехет няхад ни" мянадыш", шичатоң куптана дидицахаң, тадым ни'мэхэн ту'. Мьяналмэ" – Анна Музыкантова, Мария Вэлло, Татьяна Вора. Пимшата ни" недышт цанатамэт. Мьяналмантун недьня нянатоң бьюти-специалист' манслаңаш", шичитоң парихмахер', визажист' нятапиш". Чикиң камна неңи" детун хётмы" паныдю" мэш таттыңкуш".

Четаң «Шатуца ни» нимита конкурс-хана чет' тапачал" шедтапё мянадыш". Недьчезей дилтун нямна мунуңаш".

Цамэхэна мансламамтун вачаңаш", кунят мэмамтун, куше дидимамтун кэтцаш". Кынуңаш, талаңаш", хётмайтуң паныдөтуң цычимчеңаш", деты демьпчалу" цычимчепё дятдыш". Цоптоң Анна Музыкантова, пыта шичадю" хампляңк пота. Анна лекалцё



Таттама: Андрей Пяк таттамы

Талкахай лекал мя'кна манслаңа. Дёльше пимшата ни, таламам ха'шаңоңа, хайтулашту, цочаку" пытулпёшту. Мьяналманта мэт хомана цанатамай, цука нешади" шакна дёльше хомана мунуца, талаңа.

Ними мяналмы Мария Вэлло. Пы'та тэхэна манслана" нешади" мятчел"хат мэна. Шаңкмян выңкай дилант тадана цайватам шедтамам чедимяңа. Четаң Талкахана диле, манслаңа. Шича нюувдета. Мария цамыдихина пон нятакошту, лусаң вата-мана волонтернё мэшту. Мьянадыш цысми" дидивсум цычимчимпиш. Няхамты мяналмы

Татьяна Вора. Пы'та шичадю" шича пота, нюча цаймяхананта Самбулкахана дидимы, четаң мансяң дет колледжхана тоходко хитамахатата, Талкахана диле, мансята пюля. Татьяна шодюта ни, хомана кынушту, талашту, тонлакомам ха'шаңоңа. Ни куше мяналмам таньдет тасламы цюри" маньдецатоньш, тасдымпитоньш. Мьянадыш няхамты местам Татьяна Вора канаңаташ, нимимты местам Мария Вэлло ка'амдыш. Шатуца ниң коронам' Анна Музыкантова ня'амцаташ.

Ни" мяналмам маньдена" пы'та шича шатуца ниңэ тонда".

# Сидя нэвасяда тэта

Сэвни тыхад пэдарота яхана илевэва". Нисями юңгу, небями юңгу. Сидя Нэвасяда тэтаха' си"ми вадавэхэ". Не нями тая. Пыда нюдя Нэвасяда не. Мань нани' ты пэрнадм'.

Сидя Нэвасяда тэтаха' си"ми вэвавна пэрцетыхы', манзтыхы': пыдар са"лакон' нэдакэн'. Мят' нён тюсьту", пили" тэхэна мы", яда малкур"!

Мальцями вэва, пибини" вэва", сисавэй". Сэвна ханта нэврами вуни тая". Не нями нэмакодми таб"нанда, нэрцетыдм', нибта та" нани', нэрципой" хонасетыв".

Сидя Нэвасяда тыди' нэока ни" нэ", сидя ёнре"э. Сидя ёнре"э нэпту нэод" яда пэрцетын' сыра' ямбан'. Та ёрцетыдм', яп-тунзэ хэсетыдм'. Нэрёй сыра хамаб", нани' тэхэна мэсетыдм'.

Нэбнгуна хув' сидя Нэвасядаха' хан' ниня нэмадэвэхэ". Мань нани' тэхэна мэдм'. Нумда сава. Инзелеб"нани нэрка Нэвасяда тэта мамоннда:

– Хуняна хэхэ ян' мяпой" пэңгув. Тэсяда нэцекеым' ханаңгув. Хэхэ яхана хадаб" сава.

Нюдя Нэвасяда мамоннда:

– Нянэся нэод" тарця. Тэсяда нэцекеым' хэхэ яхана хадаб" сава нэңгусь. Пуна маяндани' вадэда.

Тарця вадахана ты" помна ядалъяв". Ихиняни мадм': «Нэрка Нэвасяда си"ми хэхэ ян' ханаван' харбилы". Манэт" нидяв, ханзэр" си"ми хурись. Нива тарава' ёльцэңгана хад таясеты. Тедав хад ладамда».

Хаднэ хая. Нули" нэмагэрт ни нэаю". Мань нани' пунсяда ян' сюрывы". Си"ив писавэй яля сюрбидм'. Ехэрана яхан' тэвыв". Яха' лаңгхад едебя сыран' ха"мыв", сыран' сэядм'. Сыра' нэлымна сапкаба пэв. Тад сыра' нэылна хасеръяв".

Хуняна сидя Нэвасяда тэта товононди'. Нэрка Нэвасяда тэта мамоннда:

– Яд"мида яха' мюня нэади". Сыра' нэылна мэрха. Нумда вэваню", хад тарси" я"авлы. Сава нумгана мер' хоңгуминзэ. Теда' тыни' хумбанзи" хэребини' вэва нумгана. Ханзэр" мыңгув? Сыра' нэылна харта хаңгу. Нэр" нэмагэ нисян намдор"?

Нюдя Нэвасяда мамоннда:

– Хадри' нэя! Сыра' нэылна харта хаңгу. Мякни' хэхэни'! Тарця хад нумгана ханзэр" мыңгуми'? Пуна тэлыня' ямдаини', маси" ха"мада нара' малъгана нэадимзу.

Тад муноди' ланума". Хаднэ" мяканди' хэнякэхэ". Хэмяданди' яха' нэылна сапкабидм'. Яха' нэван' тэвыв", тю"у' тарпыв". Тад ян' танэюв", хой' нимня яда пэв.

Нэмагэ' пиркана маниэб"-нани мюд мюсе. Нэрнякуна нэдалэда миңа. Си"ми манэцэ нэдалэдар няни тэвы". Тет хабтаркам мэ"мы. Ма:

– Пыдар хибян?  
– Хэно тэта' хасава нэодм'.

– Сиякан нин нэ". Хэно тэта нэна саюдармана хэсяню". Сит теневадм'. Пыдар Тэсяда нэцекеэн'. Тэсяда нисямд, Тэсяда нэбямд хэхэсавэй то' ханнэ мань хадаңахаюнась. Пыдар нани' сидя Нэвасяда тэтахат хунвакэн'.

– Пыдар нани' хибян?



Падга"ма": Руфина Окотэгто' падгавы"



– Мань Ламдо тэтадм'. Теда сит сярңгудм' нани', сидя Нэвасяда тэтаха' мят' ханаңгудм'.

Тад си"ми ня"ма, хананда ни' мо, нули" мэвэна си"ми сэра. Мюдханда нэдалай".

Пэвсюмя' няна нэсы. Си"ми мят' тэюле. Едм' пире. Мяд' ерв нэрңа. Тикавахад Лам-

до тэта не вэнекуда нэвламба пэяда. Няни манма:

– Тэсяда нэцекеы, мэв нули" харваб"нанд, вэнекуни ня' нэор"!

Мань нани' ханзэр" мыңгув? Илевани ямбан' вэнеку' тотрев' нидм' нэорцету". Теда' мэв нули" харбилы". Вэвараха нэбта нэод" вэнекута ня' нэорцэ пэв.

Тад мяд' ерв хонэй". Мань нани' пи' ямбан' ярңадм': «Илми нэмагэ тарем' хая? Нули" маяндорңадм'. Тэсяда нисями, Тэсяда небями илевы нэбти', тарем' нидамзэ маяндорт"».

Хуняна юркына". Мяд' ерв нэрңа. Мань нани' нэормадавэй" пин' санэйв", хан' ни' нэмадыв", ярңадм'.

Тад Ламдо тэта не мякад нэадимя, ма:

– Тэсяда нэцекеы, мят' тэю"!" Хани-мянэно"!

Мят' тэювани сер' Ламдо тэта нехэнда ма:  
– Панэдамда мис"!" Тэсяда нэцекеым' нэодни' мэхэми'.

Ламдо тэта не панэдами та. Хури" сававна эмбъяв": сибиди' пэдрота пэбиди' сэрадм', едэй малъцям' сэрадм'. Ва"аван' нэмадыв".

Ламдо тэта няни ярэй", манзэ ханада:

– Тэсяда нэцекеы, ир вэва нэя нэ". Мани' мякнани' илебэат, сэв нин маяндорт". Тэюку яляхана минңгува". Мань нани' сидя Нэвасяда тэтаха' мят' мядонзэ хэванзэ пэрңав. Тутан, мякна хаюдан?

Мань мадм', тарем' мадм':

– Мядонзэ хэб"нани хэня сава нэ".

Ламдо тэта не ма:

– Маньхэван мякнани хаюадм'. Сидя Нэвасяда мякана мэвндами юңгу. Нидм' тут".

Тад пин' тарпыв", ты танадм'. Тет пэды тэдми ня"мадм', ханми пэдерңадм'. Ламдо тэта нэва' иням', тэюрмда нэобкана ня"амңахаюда, ма:

– Тэсяда нэцекеы, нён хаюр"!

(Пэляма нэадиманда газетэхаана толара")

«Ненецкий фольклор» толаңгобцэ' мюд ханавы. 1976 похона Ензэ' няна Тухард' тер, Ямкина Мария Николаевна' вадэ"мы, нэданда

## Таңы' мэлвахато' пядо'



(Нердена пеляда  
1 стр толара')

Нарка лахарёва' лакри' вэн' мад' лаволасетыдо'. Пихиня ты' туро' һамгэ' мянувна сидна' пин' пароламбатархаць. Һамгэри' нямна лаханакурпана' һод' вадина' пили' ты' ила' нямна хан'һаць.

– Тедахав' варё' һадиво'махад тамна савумда. Тедари' нерня' нива' паромбаңгу'. Пэ' поңгы һарханда сыра. Тамбир' варёда яңгода. Маңгы' иры' ёльцянд' харад' ядхана мэнгува'. Маня' нара' ямбан хавэва' яңгу, һоб', сидя' суюри' тания'. Тэводана ява' хубта. Тюкоход хэ'мяхадана' хуркари' һарка' пэ' хоё' помна мюселтына'. Воркута' няю' 410-й һэдалаван' тэваңгуна'. Пуна тикы сехэрэвнана' һани' пыр-дари' тутава'. Та' ненэцяңг' нива' һэсур', хар'на' мэсетыва'.

– Пэ' помна мюсерць тоена?

– Тедахав' мале пирдалеваць. Һопой мюхуна ханона' нярма' таңосеты'. Һадьбяна' мюдхана сидя ханхана вадсетыва'. Һока һэбто' пэ' тяха' тяхаворһа', тамна хан тахара

пир'һада. Һадьбята хасава' мимбада' ханодо' саць мэё' һэсеты'.

– Халэта' то хомбида'?

– Сехэрэна' ниня сидя това' танияһаха'. Туи, няңэхэй ватабасетыва'.

Сяхари' Пэ' тер' поңгана мэб'ни хадырта' тыдо' маниеб'нани, харвобта пэдари' пи' понд' сырпани, ихинани тыдо' ёхова' то'олхари' һэсеты'. Теда' һод' тикым' һани' хонравась:

– Пэдара' поңгана тыда' нида' ёшо'?

Николай Егорович тарем' мась:

– Пирдалевэми. Тыни' һэва ханя' хэвахад пили' теневадм'. Ханяна сян таркосавэй' мэвахад мал' маниеян. Суюсавэй' яхадей' тедари' һопой яхана хадырһа'. Хэвня' хэня тым' сырцяңгана хоңгув. Пуна тания' һэдалаңгудм'. Һопой яхана пон' нидм' һамдю'.

Лакханакуртахана' хасава' пин' паромаць. Тынзяһодо' нэкалһаць. Яркола пэйдяць. Мань ты сарамбидамзь. Ёльце савась.

Марина Ярой' падвы



Сидяңг': Марина Ярой' гадгавы'

Газета  
«Няръяна Нэрем»

Главный редактор  
Яр Марина  
Тэтакучевна

ГЕНЕРАЛЬНЫЙ ДИРЕКТОР  
АНО «ЯМАЛ-МЕДИА»  
Зулинова Мария Андреевна

№ 20 Подписано в печать 14.05.2026 г.  
Вышла в свет 16.05.2026 г.  
По графику: 16.00, фактически: 16.00.

ПОДПИСНЫЕ ИНДЕКСЫ:  
на год – ПА701,  
на полугодие – ПР562.

Учредитель – департамент внутренней политики ЯНАО  
(629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО,  
г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере  
связи, информационных технологий и массовых коммуникаций по Тюменской  
области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3600 экз.  
Заказ № 157 тз (тираж 3600 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнуныяца, д. 1, каб. 106

Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнуныяца,  
д. 1, каб. 106  
тел. +7 (349 22) 4-53-32

E-mail: nn@yamal-media.ru